

Adishatz las amigas e los amics,

Diluns qu'èm tornats a l'**escòla**. Adara lo matin quan arribam, que hèm a un jòc de construccion tà fabricar avions, **ostaus**, batèus. Qu'avem tanben **copacaps**, ua cosina e un garatge tà las **veituretas**, cartas tà har a la batalha e **gredons** de color tà dessénhar. Quan vam au canton, la regenta que'ns conta istòrias. En seguir, que cantam e qu'aprenem comptinas. Après, los **petits** que van a las taulas tà dessénhar dab **feutres**. A còps, que hèm **pintrura** tanben. Mes abans, que'ns cau hicar un devantau ! Los mejans e los grans que hèm matematicas. Que comptan **cubes** : un, dus, tres, quate, cinc, sheis, sèt, ueit, nau, dètz ! Puish qu'escriven la data e frases dens lo quasèrn dab un gredon de papèr.

Pendent la recreacion, que hèm au **balon** e que que hèm **bicicleta**. Com ei l'abòr, lo **vent** e la **ploja** que hèm càder las **huelhas** deus arbres **grans** de la cort.

Après la recreacion, que vam tà la sala de motricitat tà har jòcs, córrer, sautar, garrapar o **har exercicis d'equilibri**.

En classa, que legem **libes**. Que n'i a un dab bèstias com a la bòrda de Martin que visitèm amassa : ua pora, un **pòrc**, un colom, un aso, ua craba, un moton. È sabetz tanben que dens la classa nosta que i a un aquarium dab un **peish** ? Qu'èu neurim au torn. Mes ne **minja** pas pan, ni tampòc **chocolat** a despieit qui sia hèra bon. Qu'avem tanben un **auseyon** dens la cort de recreacion. A la fin deu dia, abans de nse'n tornar tà casa, la regenta que'ns hè escotar musica. Que ns'agrada hèra ! È adara, que hètz vosantes ? Que'ns triga de'vs tornar véder !

Poton

La classa de petita, mejana e grana seccion